

LEZOKO INTSUMISIOAREN EGOERA ETA EGIN BEHARRAK

HISTORIA

Estatuak bere lege eta arauen bitartez jendeari derrigorrezko betebeharrak ezartzean sortzen da intsumisioa, oraingoan soldaduzka (S.M.O.) eta Zerbitzu Soziala (P.S.S.). Intsumisioa hauen aurka dagoen borroka orokor bat da. Beraz, estatuak inposatzen dizkigun betebeharrei uko egiten diegu. Badakigu soldaduzka eta zerbitzu sozialak zertara garamatzaten, hor daude intsumisioaren zergatiak.

Lezoko herrian intsumiso kopurua altua da eta etorkizunean haunditzea espero dugu. Gaur egun berrogei gara egoera honetan gauden gazteak.

Ekintza dexente egin ohi ditugu eta nabarmenenak hauexek dira:

- ✓ Jendea informatu
- ✓ Salaketak egin
- ✓ Burulauki kalejirak
- ✓ Itxia aldiak

Lezoko herria herri intsumisioa dugu, hau da, ofizialki ez ditu armadak agintzen dizkion eginbeharrak betetzen. Gainera intsumisioekin bat eginik diru-laguntzak, komunikatuak, eta kontaktu ofizialak burutzen ditu. Jarrera hau garrantzitsua dela uste dugu.

Gaur egun taldearen lana informatzea, laguntza ematea eta beste herrietako intsumiso taldeekin koordinakuntza bateratua eramatea da. Azken bilerak Allerru elkartearen izan ditugu eta bertan jasotako ikuspuntuak oso baikorrak izan ziren, gazte jendea gogoz eta arreta haundiz zalantzak galdetuz aritu zen.

Intsumisioaren aldeko borrokaren egoera ona da, nahiz eta gaur egun, Ekainak 30, Iruñeko presondegian 28 intsumisio gos greban izan. Honek esan nahi du borroka luzea eta latza dela. Dena den egoera hobetuz doa. Hemendik gure elkartasuna adierazi nahi diegu.

Guk, intsumisiook, ez dugu gure burua gaizkiletzat jotzen, kasu honetan soldaduzka eta zerbitzu sozialari uko egitea herriaren mesedetarako dela diogu.

Baina estatuak gartzelaratzeko hauekin azaldu nahi duena zera da, borrokatzen, protestatzen eta parte hartzeko bideak nahi dituen gizaki oro herritar gaiztoak dugula, beraz, estatuak zorientasuna opa die zergak ordaintzen dizkietenei, zapaltzen dabiltzane, txantxan eta droga salmentan leporaino daudenei,...



Lezoko Intsumisoak Alcala de Henaresko presondegian intsumiso presoak askatu!!!

Intsumisioaz irakur daitezken liburuak:

- * Con la Razón Insumisión (Katalanez)
- * Objetores, Insumisos, La Juventud vasca ante la mili y el ejército (Eusko Jaurlaritza)
- * La insumisión encarcela (Carlos M^a Beristain. Ed. Virus)
- * ¿Defensa armada o defensa popular no-violenta? (Gandhi, Ed Orbis)
- * La Inteligencia Militar

Zer egin Intsumisioa praktikan jartzeko?

- ☞ Lehen lana Ministeritzatik Iristen diren gutunak bertara itzuli edo erantzun gabe uztea da.
- ☞ Soldaduzka edo Zerbitzu soziala noiz eta non egin behar duzun jakin.
- ☞ Bertara joan behar duzun garaian ez azaldu eta bidai txartel eta diru txekea tokatu zaizun tokira edo Defentsa Ministeritzara itzuli.
- ☞ Deklarazio konjuntua bete eta bidali.
- ☞ Informatuta egon eta egiten diren ekintzetan parte hartu.
- ☞ Dudaren bat izanez gero beste intsumisoekin harremanetan jarri.
- ☞ Zenbat eta intsumiso gehiago orduan eta indar haundiagoa.



Lezoko Epaitegi aurrean ere askatasun eske.

Nola jarrita dago legea?

Legeak bereiztu egiten du zigortzeko garaian, hau da, 1992. urtea baino lehenagoko intsumisoei hemezortzi hilabetetako gartzela zigorra eta 1992. urtetik aurrerakoei 28 hilabetetakoa. Hau da, ez du gizarteak eskatzen duen irteera eskeintzen bereizketa horien bitartez, diskriminatuz zapaldu egiten dutelako.

Intsumisook ekintza bateratuak burutzen saiatzen gara. Hau da, guztiok betetzen ditugu epaiketatan inposaturiko zigorrak nahiz eta epaiketekin ados ez egon.

Hego Euskal Herrian erabateko intsumisioa egiten dugu, hau da, ez gara epaiketetara joaten eta nahi baldin bagaituzte bila gaitzabela epaiketak fartsa eta muntaia hutsak bait dira.

Azkenik, esan dezagun, gartzela ez dela konponbidea, Ipar nahiz Hego Euskal Herriko intsumiso guztientzako askatasuna eskatzen dugu, bai eta gezurrezko epaiketa horien amaitzea ere.

Intsumiso asko gaude kalean eta gogoz hartuko genuke gure artean intsumiso gehiago, beraz, intsumiso izan nahi baduzu zatoz Txerrimuño edo Allerrura edo Lezoko Intsumiso Taldeko kideren batekin jar zaitez harremanetan.

INTSUMISIOA!!! ARMADARIK EZ!!! GERRARIK EZ!!!

LEZOKO INTSUMISO BAT

OHARRA: Gutun hau 1993ko ekaina idatzi dut eta irailan argitaratuko da, gauzak asko aldatu daitezke uda partean ohizkoa bait da zapalketa areagotzea jendea oporretan dagoen bitartean orduan jendea ez delako hain erne egoten.